



Broj: 05/1-50-14-51-18/11

Sarajevo, 5.9.2011.

ZAPISNIK

18. sjednice Nezavisnog odbora kao nezavisnog tijela policijske strukture BiH

Sjednica je održana 5.9.2011., s početkom u 11 sati.

Sjednici su prisustvovali članovi Nezavisnog odbora: Žiko Krunić, Bakir Dautbašić, Mato Jozić, Dragan Savić, Ljubomir Kuravica, Enes Obralića, Viktor Dadić, Stanko Nuić i Zijad Kadić.

Sjednici je prisustvovala Alma Salkić-Mijić, koja je obavljala poslove sekretara Nezavisnog odbora.

Sjednicu su pratili: Dijana Šatara i Senad Zlatar iz OHR-a, Vildana Bakšić iz OSCE-a i Medina Delalić iz Sektora za odnose s javnošću Parlamentarne skupštine BiH.

Osamnaestu sjednicu sazvao je Žiko Krunić, predsjednik Nezavisnog odbora.

Konstatirao je da postoji kvorum za rad te otvorio sjednicu. Nezavisni odbor jednoglasno je usvojio sljedeći

DNEVNI RED

1. Usvajanje Zapisnika 17. sjednice Nezavisnog odbora, održane 21.7.2011. godine;
2. Dogovor o aktivnostima u vezi s raspisivanjem konkursa za pozicije rukovodilaca policijskih tijela iz nadležnosti Nezavisnog odbora kojima ističe mandat u 2011. godini,
3. Tekuća pitanja.

Ad.1. Usvajanje Zapisnika 17. sjednice Nezavisnog odbora, održane 21.6.2011.

Predsjednik Žiko Krunić, otvorio je raspravu o Zapisniku 17. sjednice Nezavisnog odbora, održane 21.7.2011.

S obzirom da nije bilo primjedbi, Zapisnik 17. sjednice usvojen je jednoglasno.

Ad.2 Dogovor o aktivnostima u vezi s raspisivanjem konkursa za pozicije rukovodilaca policijskih tijela iz nadležnosti Nezavisnog odbora kojima ističe mandat u 2011. godini

Predsjednik Nezavisnog odbora, Žiko Krunić, podsjetio je članove Nezavisnog odbora na odredbe člana 11. Poslovnika o radu Nezavisnog odbora kao nezavisnog tijela policijske strukture BiH, koji propisuje da Nezavisni odbor donosi odluku o raspisivanju javnog konkursa koji se objavljuje tri mjeseca prije isteka mandata rukovodioca i zamjenika rukovodioca policijskih tijela BiH.

U skladu sa odredbom člana 11. Poslovnika o radu, Nezavisni odbor jednoglasno je usvojio Odluku o raspisivanju javnog konkursa za provođenje procedure odabira kandidata na poziciju direktora Državne agencije za istrage i zaštitu.

Nezavisni odbor jednoglasno je usvojio zaključak da će tri člana Odbora: Enes Obralića, Viktor Dadić i Ljubomir Kuravica do naredne sjednice utvrditi tekst javnog konkursa.

Ad.3. Tekuća pitanja

- Usmena informacija o održanom sastanku članova Nezavisnog odbora i ministra sigurnosti BiH Sadika Ahmetovića

Predsjednik Žiko Krunić upoznao je članove Nezavisnog odbora da su prije početka sjednice, predsjednik i njegovi zamjenici održali sastanak sa ministrom sigurnosti BiH, Sadikom Ahmetovićem.

Naglasio je da je sastanak održan u skladu sa Planom rada Nezavisnog odbora za 2011. godinu i usvojenim prijedlogom sa 17. sjednice Nezavisnog odbora, održane 21.7.2011.

Tema sastanka je bila uloga Nezavisnog odbora u postupku izbora i smjene rukovodilaca policijskih agencija iz nadležnosti Odbora, kao i saradnja Odbora sa Ministarstvom sigurnosti BiH.

Upoznao je članove da je ministar sigurnosti BiH naglasio kako smatra da je potrebno dodatno zakonski regulirati odnose policijskih agencija, Ministarstva sigurnosti BiH i drugih relevantnih tijela ne oduzimajući ničije nadležnosti, ali uspostavljajući funkcionalniji sistem.

S obzirom da nije bilo primjedbi, članovi Nezavisnog odbora su primili k znanju usmenu informaciju o održanom sastanku članova Nezavisnog odbora i ministra sigurnosti BiH.

- Informativni letak o radu Nezavisnog odbora

Član Odbora, Dragan Savić, predložio je da se Nezavisni odbor obrati sekretaru Zajedničke službe Parlamentarne skupštine BiH, sa zahtjevom za osiguranjem sredstava za štampanje informativnog letka o radu Nezavisnog odbora.

Članovi Nezavisnog odbora jednoglasno su usvojili ovaj prijedlog.

Sjednica je završena u 11,40 sati.

Privremeni sekretar
Nezavisnog odbora
Alma Salkić-Mijić

Predsjednik
Nezavisnog odbora
Žiko Krunić